

UFFUN NGA MAGGAFU TA LANGI

I "Uffun Nga Maggafu Ta Langi" ay nonnug nga versiculo ira nga nala ta Biblia. Kurugak-ku tu i Biblia laggapa i kapianan nga uvovug nga meyannung ta Masanto nga Tura.

I Uvovug na Dios ay "naggafu ta langi." Kuruga dakal i iyuffun na ta futu nga mabisin anna mapangal ta katunungan. Nu mabbabawi i tolay, panawan na i katagarulian na, anna patallungan na si Jesu-Cristo nga madian ta futu na, anna kurugan na tu si Jesu-Cristo i Minannavvu. Ta kunnuri, ay mappatageno i Yafu sa anna iddan na yaya ta pagayaya anna imammo ta futu na.

Nappasak-ku yaw turi ta 1937. Adde sangaw ay ari paga nanuppal yaw nga makapabbaw nga pakivvulu-vulu na Dios niakan. Ikiddo nikaw tu iyawa mu i futum sa nga Minannavvu anna Yafu. Sangaw ngana. Watson Goodman (1920-2002) Roma 5:8

Ngem i Dios ay nepasingan na i aya na nittam, ta maski paga turi ta minattagaruli ittam, ay natay si Cristo gafu nittam.

Juan 13:1

Sangaw, ta nage na fiesta na Pascua, turi ta nannammuan ngana ni Jesus tu aranni i panoli na ngana ta Yama, ay yaw ngana i panaw na ta davuunaw. Kunne ta dana nga pangaya na ta totolay na toye ta mundo, inaya na ira ta adde ta panuppalan.

Pangilammuyag 1:5 Naggafu kani Jesu-Cristo nga nangipakannammu nittam ta ngamin nga kurug. Yaya gapa i katannangan ta ngamin nga patul ta davvunaw. Yaya i nangaya nittam gafu ta binaggawan na i katagaruliat-tam ta daga na.

Juan 3:16

Kuruga iddukan na Dios ngamin i totolay, yatun i gafuna tu zinog na ta davvunaw i tattadday nga Ana na, tapenu ngamin i mangurug sa ay ari matay, nu ari matolay tu adde ta ngangangay.

Jeremias 31:3

I Yafu Dios ay nappasingan gari niakan ay kinagi na, "Wan, inaya taka ta aya nga awan tu kofutan na. Ta kunnuri, ina taka nga sigga-aya anna sigga-pagallallo."

I Timoteo 3:16

Kakurugan na tu kuruga makapabbaw i pangurug tam: Ta nepemamma nittam tu vava av tolav. ngem napakurug tu yaya ay Espiritu; nasingan na angheles ira, nelavvagavva ta ngamin nga totolay, kurugan na interu mundo, anna minune ta gloria.

Mateo 1:22, 23 Nesimu ngamin yaw tape maparulo i nepekagi na Dios ta profeta nga kunna, "Ginnan nu, mabussi noka i tadday birhen anna iyana na noka i taddav nga lalaki nga mangagan tu Emmanuel," (nga va kebalinan na, "Egga i Dios nittam").

Juan 14:9, 10a Kinagi ni Jesus sa, "Nabayag ngana nga nakitap-paddian nga' nikamu, ay ariam-ma pagalaman nga ammu, Felipe? I nakasingan niakan, ay nasingan na gapa ngana i Yama. Ngatta lagu ta kagiam mu, 'Ipasingam mu nikami i Yama?' Ariam mu kari kurugan tu

egga nga' ta Yama anna i Yama

ay egga niakan?"

Ta nage na nekaparo na mundo ay egga ngana i Uvovug. Egga vaw ta Dios ta Yava i Dios ... Yaw nga Uvovug ay nabbalin tu tolay. Nakitappadian nittam ... ay napannu yaya ta allo anna kurug. – Juan 1:1 anna 14

Av simibbag i anghel anna kinagi na sa, Umay nikaw i Espiritu Santo anna maddian nikaw i pakapangngua na Dios. Ta kunnuri,

Nadian kani Cristo i Dios, ay tolay i kasissinnan na. Isaias 9:6 Neyana i tadday nga abbing; neddan ittam ta ana nga lalaki, ay

navun, Prinsipe na Imammo.

yaya noka i mammaguray. Mangagan yaya noka tu Makapabbaw, Minannabarang, Makapangngua nga Yafu. Yama nga Mannakuruga masanto anna mangagan noka tu Ana na Dios. Mateo 17:5 Maddaggun paga laman nga maguvovug si Pedro turi ta liniruman ira na manawag nga kunam. Ay naggafu taw i tadday ngaral nga kunna, "Yayaw i meddu nga ana ku nga kuruga makapagustu

niakan. Ginnan nu yaya."

Lucas 1:35

vaw nga iyana mu nga abbing ay

nono na tu si Jesus i Ana na Dios, ay madian i Dios sa, ay yaya gapa ay egga ta Dios.

Colosas 2:9

4 KAGIAN NI JESUS NITTAM NU SINNI YAYA Juan 8:23 Juan 6:35 Kinagi ni Jesus nira, "Taga taw Ay kinagi ni Jesus nira, "Sak

Juan 11:25
Kinagi ni Jesus sa, "Sakan i paginnolay anna inango. I mangurug niakan ay maski nu natay ngana ay maginnolay noka."

ta ari nga' neravvunan."

ta davvun kamu laggapa, ngem

sakan ay taga langi. Neravvunan i annonopan nu ngem sakan ay ari,

Juan 13:13 Agalad da' tu Mestru anna Yafu: ay fustu yatun ta sakan yatun. Juan 9:5 Ta kegga' paga toye ta davvu-

naw, ay sakan i ariga nawag nga

manulu ta ngamin nga totolay.

u natay ku nikami Abraham unna Yan yatun.

Kinagi ku niagi Abraham egga nga' Ta kunn

Juan 10:7

Ta kunnuri, kinagi ni Jesus mangana nira, Ta kakurugan na kagiak-ku nikamu, sakan i ariga pattallungan na karneru ira.

Ay kinagi ni Jesus nira, "Sakan i pan nga mangiyawa tu inango. I tolay nga umay niakan ay ari ngana mabisinan, anna yuri mangurug niakan ay ari ngana vuluvuga mapangal."

Juan 8:58

Kinagi ni Jesus nira, "Kagiakku nikamu i kurug, Nage paga ni Abraham nga neyana ay dana egga nga' ngana."

Juan 10-7

gaddua na i pan anna neyawa na ta disipulo ira ay netaneg da ta totolay ira. Kiminan ira ngamin ta adde na kabattug da. Mallimarivu ngamin nga lallaki i kiminan. fera paga ta babbay anna abbiabbing ira. Ay egga paga karaddua nga labba nga vuna nga inan-

nam na disipulo ira.

Ay pinagitubang na i totolay

ira ta kakaddattan. Ay ina na i

lima nga pan anna dua nga mana-

ngo anna siminangag ta langi nga

nabbala-balo ta Dios. Ay ginadda-

Lucas 5:5, 6 Ay simibbag sa si Simon nga kunna, Mestru, tanga-gabi kami nga nabbannabannag ngem awan tu nala mi: ngem gafu ta pakkagim, itak-ku uli i iko. Ay turi ta kunnaw i kingngua ra, nakkanna

ira ta napakaru nga manango av napisil paga i iko ta karu na. Mateo 20:30 anna 34 Egga i dua nga lallaki nga vuling nga magga-itubang ta aggig na dalan. Turi ta nannammuad-da tu mattalebag si Jesus, av nakkukkulle ira, "Ana ni David. ikallo nakami kari. Afu!" kudda . . .

Ziminatu i allo ni Jesus nira av siniggeg na i mata ra. Av ganganalaman nakasingan ira anna nevulun ira sa.

6 SI JESU-CRISTO NGA NAMARATU ANNA YAFU Ta yaya i namaratu ta ngamin i Yafu na natay ira tuange ta ma-

nga gannug nga egga ta langi tuange ta davvunaw; ngamin nga masingan anna ari masingan; i pappatulan anna pammagurayan ira; i papatul anna ngamin nga pakapangngua; pinaro na ngamin ira yaw nga masserbi sa.

-Colosas 1:16

I Dios ay naki-uvovug nittam
toye ta aggaw ira nga maporian
megafu ta Ana na. Yaya i sinullo

megafu ta Ana na. Yaya i sinullo na nga maninaga ta ngamin nga gannu-gannug, ta pinaro na i interu mundo megafu sa.

—Hebreo 1:2

Yaw i gafu na tu natay anna naginnolay uli si Cristo tapenu yaya Ngamin i adde na gannu-gannug ay pinaro na Dios megafu sa. Awan tu gannug nga naparo nu

ari megafu sa. — Ĵuan 1:3

Ta kunnuri gafu, mawag tu kannammuan nu ngamin nga totolay na Israel tu si Jesus nga nepepato nu ta krus ay pinabbalin na Dios

tu Yafu anna Cristo.

—Kikkingngua 2:36

Parulattan na Dios i anni laman
nga kinagi na, ta yaya i nangagal
nikamu nga makipat-tadday ta
Ana na nga si Jesu-Cristo nga

Yafu tam. —I Corinto 1:9

Roma 14:10

Ngatta ta sikaw i mamanunnu ta wagim? Onu ngatta ta imenos mu yaya? Sittam ngamin noka ay tumaddag ittam ta arubang na ammanunnutan ni Cristo.

Mateo 25:32

Ay magamma-ammung noka ta arubang na, ngamin i totolay ta davvunaw. Ay passirinnan na noka ira nga kagitta na minappastor nga isinna na i karneru ira ta kazzing.

Ari mamanunnu i Yama ta maski sinni nga tolay, ta neyawa na ngana yaw nga pakawayya ta Ana.
—Juan 5:22 Roma 2:16
Segun ta evangelio nga ilayyagayya', duttal noka i aggaw nga

panunnutan na Dios ngamin i sekreto na tolay ira. II Timoteo 4:1

Ta kunnuri, itotoli nga kagian

nikaw ta arubang na Dios tuange kani Jesu-Cristo, nga umay mamanunnu ta matolay tuange ta natay, noka ta pappatulan na.

Kikkingngua 10:42

Ay minanduan nakami tu mallayyagayya kami anna pakurugammi ta totolay tu yaya i sinullo na Dios nga Mamanunnu ta matolay anna natay ira.

SI CRISTO LAMAN I MAKATAVVU Juan 10:9 Hebreo 5:9

Sakan i ariga pattallungan. I tullung niakan ay mapaliag, ta tullung anna mallawan yaya, ay makakaleg ta kanan na.

Juan 14:6

Kinagi ni Jesus sa, "Sakan i dalan, i kurug, anna inango: awan tu makangay ta Yama nu ari megafu niakan."

Juan 8:24 Yatun i gafuna tu kinagi' nikamu tu matay kamu nga sigga-katagarulian, ta kurug tu kunnaw i mesimmu nikamu nu arian nu kurugan tu sakan i zinog na Dios.

Gafu ta awan tu pakkurangan na, ay yaya i paggafuan na kapaliag nga adde ta ngangangay para ta ngamin nga mamarulo sa. Hebreo 7:25

Ta kunnuri, mawayya na nga paliaran, ta ngamin nga tiempo, ngamin danuri i umaranni ta Dios megafu sa; ta matolay yaya adde ta ngangangay tapenu ipakimallo na ira ta Dios.

Kikkingngua 4:12 Si Jesus laman i makapaliag ta totolay, awan ngana tu tanakuan ta interu mundo nga zinob na Dios nga makapaliag nu ari laman yaya.

SI CRISTO LAMAN I MAKATAVVU

nebilang na ittam tu egga i kepangngattattam nga mebibillay nga kagitta na sasantos ira nga egga ta nawag. Pinaliag na ittam ta pakapangngua na zibbo, anna nevali na ittam ta pappatulan na ideddukan na nga Ana na, nga nanavvu nittam ta daga na gafu ta pamakoma na ta katagaruliattam. Ta minay i Ana na Tolay nga

Colosas 1:12-14

Mappabalo kamu ta Yama ta

wan ira. —Lucas 19:10 Si Jesu-Cristo i naggafuan na inango nu; ta yaya i nangituddu ta pakannammu tam ta Dios.

magaleg anna mamaliag ta nawa-

tuange ta katunungan, kasanto, anna kapaliag. —I Corinto 1:30

Tito 2:14

Megafu nittam ay neyawa na i baggi na tape matavvu na ittam ta katagarulian, anna mapakarennuan ittam nga tolay na tapenu karagatat-tam i magangngua ta mapia.

Pangilammuyag 5:9 Av kinansiod-da i bagu nga kansion nga kunnaw i kagian na: "Sikaw i mepangngo nga manga ta libru, ariam mu i sellio na anna vukatam-mu. Ta natay ka anna i dagam i nevuvvu ta ngamin nga tolay, ta ngamin nga nasion, ta interu mundo.

I PAMALIAG NA DAGA NI CRISTO Roma 5:9 uffun na Espiritu San

Megafu ta daga na, ay nebilang na ngana ittam tu napakatunung; mas ngana sangaw i pamaliag na nittam ta lussaw na Dios. Efeso 1:7

Megafu ta daga na ay egga nittam i katavvu tuange ta kapakoma na katagaruliat-tam, gafu ta

naperulay i inaggallallo na. Hebreo 9:14

Hebreo 9:14
Mas paga ngana sangaw i pamakarenu na daga ni Cristo ta trabahu ira nga natay nga egga ta ginnonopan nu, tapenu massirbi kamu ta Dios nga matolay. Ta siggaaya si Cristo nga nangiyawa ta baggi na tapenu matay, gafu ta

uffun na Espiritu Santo nga mannanayun. I Juan 1:7

Ngem nu mattolay ittam ta arubang na Dios nga yaya i nawag, ay egga nittam i mapia nga pattaradday. Ay i daga ni Jesu-Cristo nga Ana na i mamakarenu nittam ta ngamin nga katagarulian.

I Pedro 1:18, 19
Ammu nu tu natavvu kamu ta awan tu sirbi na nga anangngua na ginafuan nu. I nepanavvu nikamu ay ari tu gannug ira nga madaral nga kunne ta pira anna vulawan, nu ari i mangina nga daga ni Cristo, i marenu anna awan tu liwa na nga Cordero na Dios.

Megafu ta dakal nga inaggallallo na Dios, ay napaliag kamu ta pangurug nu. Ari tu sikamu i negafuan na yaw. Ngem yaw ay regalu na Dios. Ari tu megafu ta trabahu nu, ta marake nu pappa-

Ta kunnuri, gafu ta napakatunung ittam megafu ta pangurug tam, egga nittam ngana i imammo ta Dios megafu kani Jesu-Cris-

to nga Yafu tam. —Roma 5:1

rayag nu. —Efeso 2:8, 9

Kani Cristo, awan tu kebalinan na pappa-kugi onu ari pappa-kugi. I mawag laman ay i pangurug nga mavvunga ta aya. —Galatas 5:6 Dios ay affutan na i mundo. Ay i pangurug tam i kakurugan nga mangaffu ta mundo. —I Juan 5:4

Ngem netura ira vaw tapenu

mangurug kamu tu si Jesus i Cristo nga Ana na Dios. Ay ta angngurug nu ay meddak-kamu ta inango gafu ta ngagan na. —Juan 20:31

Ta kunnuri ay neyavutad-da sa, "Anni gafu i mepangngo nga kuam-mi tapenu matuttul mi i uray na Dios?" Sinabbag ni Jesus ira, "Yaw i uray na Dios: tu mangurug kamu niakan nga zinog na."

—Juan 6:28, 29

Salmo 103:11

12

Ta nu kunnasi i katannang na langi ta utun na davvun, kunnatun i kadakal na allo na Dios ta tolay ira nga maganassing sa.

Salmo 103:17

Ngem i allo na Dios ay awan tu panuppalan na; adde ta ngangangay ta tolay ira nga maganassing sa. Av i tunung na av magadde ta gaka na ginaka ira.

Tito 3:5

Pinaliag na ittam, ari tu gafu ta matunung nga kingngua tam ira; ngem gafu ta allo na av binaggawan na i katagaruliat-tam anna bagu mangana nga paddian nittam na Espiritu Santo.

Mikias 7:18

Sinni i kagittam nga Dios nga mamakoma ta katagarulian? Pappasan na i katagarulian danuri na nabattang ira nga maninaga. Arian na pannanayunan i lussaw na, gafu ta yatun i kapagustuan na i ava nga manavun.

I inaggallallo mu ay kagitta na kadakal na langi ta utun; anna i kakurug mu ay makadde ta kunam ira. —Salmo 108:4

I aya na Yafu ay ari manguli anna ari magimmang; i inaggallallo na ay awan tu adde na; kada umma av mapaka-bagu ta kuruga dakal i agiddu na.

-Tangi-tangi 3:22, 23

AGALAN NA DIOS ITTAM NGA UMAY SA Isaias 55:1 uminum ta danum na in

Ye sikamu ngamin nga mapangal, umay kamu taw ta dian na

danum; sikamu nga awan tu kuar-

tu na, umay kamu taw ta gumatang kamu anna kuman kamu! Umay kamu taw. Gumatang kamu ta binarayang anna gatto, maski awan tu kuartu nu, ta awan tu paga na yaw. Pangilammuyag 22:17 I Espiritu tuange ta nobia ay kagiad-da, "Umay kamu taw! Sinni laman nga makaginna, kagian

nu gapa, 'Umay kamu taw' Sinni

laman nga mapangal, umay taw,

sinni laman nga maya, umay

uminum ta danum na inango nga awan tu paga na."

Mateo 11:28

Sikamu ngamin nga nabannagan megafu ta dammo na kinattu nu ira nga obligasion nu, ume kamu niakan ay pagibannagattakamu.

Isaias 1:18

"Umay kamu ngana taw ta makka-paka-pakanawag ittam," kunna Yafu. "Maski nu kagitta na uzzin na iskarlata i katagarulian nu, mapafuraw ira nga kagitta na yelo; maski nu kunnasi na kozzid-da, mabbalin ira tu kagitta na furaw na lana."

ARI TU NGAMIN NGA TOLAY AY ANA NA DIOS I Juan 3:10 marakay anna matagga i affutu-Yaw i pakasinnan nu sinni i ana

na Dios onu ana na demonio: sinni laman i ari mangngua ta tunung anna ari mangaya ta wagi na, ay ari tu ana na Dios.

Roma 8:14, 15 Ngamin danuri i ituggub na Espiritu na Dios ay ana na Dios. Arikamu nga aripan nga minagganassing; ngem nabbalin kamu tu ana na Dios, ay yatun tu agalan nu yaya tu "Ama, Ama".

Filipos 2:15 Tapenu awan tu kapaliwatan nu nga ana na Dios toye ta davvunaw nga napannu ta tolay nga futu ra; panawagan nu i attolay nu tapenu matuluan ira.

II Corintos 6:17, 18 Yaw i kagian na Yafu, "Panawan nu ira, mesinna kamu nira. Arian nu siggeran i maraping tapenu alawatat-takamu. Ta sakan i Yama nu anna sikamu i ana ku ira," kunna Dios nga Makapangngua.

Juan 1:12

Ta karannuri nga nangalawa sa, ay iniddan na ira ta pakawayya ra nga mabbalin tu ana na Dios gafu ta mangurug ira ta ngagan na.

paddarama anna pamassapassil. Ngem apan nu si Jesu-Cristo nga maddian ta futu nu, anna arian nu pagustuan i baggi nu ta nepattaggan ira nga gannu-gannug. Galatas 5:19-21 Manawag tu danaw ira i mara-

kay nga trabahu na nepattaggan nga pakkaraga: panallaw onu pa-

kidallaw, maraping nga annonono

Matolay ittam nga kunna me-

pangngo nga attolay na egga ta

nawag; ari tu pagayaya nga

masso-sobra, onu pagilellaw, onu

nga meyannung ta babay anna lalaki, paddayaw ta imahen, panamay, passil, pakkorontra, pallullussaw, pagiti-itu, pamapatay, pagillellaw, sobra nga pakkonsuelo, anna karuan paga nga kinagi ngana nikamu. Danuri i mangngua ta kunnaw ay ariad-da zininagatan i pappatulan na Dios.

anna karuan paga nga kinagi ngana nikamu. Danuri i mangngua ta
kunnaw ay ariad-da zininagatan i
pappatulan na Dios.

Akkagianan 23:31, 32

Arian nu karagatan i binarayang nga maporay, ta mapia anna
masingngo i kasinnan na anna
malogon i attallung na. Ngem ta

pangurianan ay mattukkaw anna

makkaga nga kagitta na iraw.

ARI MAKALANNO I KAPASIKKAL

Mateo 22:37, 38 Kinagi ni Jesus sa, "Ayatammu ta napafutu i Yafu nga Dios mu, ta ngamin nga appano-pano-

no mu, tuange ta napasikkal nga

passerbim sa. Yayaw i kuruga ne-

16

tallugaring ta ngamin nga Dorob.

Marcos 10:17-22

... Mapia nga Mestru, anni i kuak-ku tape zininagatak-ku i inango nga awan tu adde na? Ay kinagi ni Jesus sa, "Ngatta ta ka-

giam mu tu mapia nga'? awan tu

tanakuan nga mapia nu ari laman

i Dios. Ammum i dorob ira: Ari ka

manallaw onu makidallaw. Ari ka

mamapatay. Ari ka makkoko.

nga kunna, Kingngua' ngamin vaw adde ta kabbing ku. Av ta paningan ni Jesus sa ay inaya na nga kurug anna kinagi na sa, Tadday laman i pakkurangam mu: emmu ilaku i anni laman nga kukuam anna ivawa mu i nallakuam mu ta pobre ira, ay egga i kukuam ta langi: ay umay ka taw ta mevulu ka niakan nga mazzigariga. Ay naraddam ta pagginna na ta kinagi ni Jesus ta aru garay i pakkukuan na. Ay nanaw yaya nga sigga-raddam.

Ariam mu pakurugan i laddug,

Ari ka manabag, Ikakuam i ya-

mam anna yenam. Ay simibbag

ARIAN NU IPAMAVULUN TU ILLOKOWAN NAKAMU 17 NA TOLAY

I Corinto 6:9, 10 Arian nu kari ammu tu i tolay ira nga ari matunung ay awan tu kebillayad-da ta pappatulan na Dios? Ari kamu nga makiloko ta danove ira i awan tu kebillayad-da ta pappatulan na Dios: i gannug nga meyannung ta babay anna lalaki, i paddasal ta imahen ira, i panallaw anna pakidallaw, i bakkla ira, i minakkoko, i minammassapassil, i minaggillellaw, i minaggegeg, tuange ta minaddarodarogas ira.

Santiago 1:22
Parulattan nu i uvovug na Dios,
ari tu ginnan nu laman. Ta nu

kunnatun i kuan nu, ay illokowan nu i baggi nu laggapa.

I Juan 3:7, 8a
Ana ku ira, arian nu ipamavulun tu egga i mangilloko nikamu. I mangngua ta tunung ay matunung nga tolay, nga kagitta na Dios nga matunung. Ngem i mattagaruli ay egga sa si Satanas. Ay si Satanas, nattagaruli ta adde ta gafu na.

Galatas 6:3 I tolay ay illokowan na i baggi na laggapa nu abbattan na tu kuruga dakal i kebilangan na, nga awan na gamma tu kepangngattan.

18 I PARATTALAN NA KATAGARULIAN AY PATAY Roma 5:12 tun i nononan nu i Espiritu. egg

Ta kunnuri, simillung i katagarulian ta interu mundo gafu ta nepattagaruli na tadday nga tolay, ay yatun nga katagarulian i nangiyawa ta patay. Ay neyalasig yatun nga patay ta ngamin nga tolay, megafu ta mattagaruli ngamin nga tolay.

Santiago 1:15
I pakkaraga nga maggafu ta
nono i kegafuan na pattagaruli;
ay i katagarulian nu nesimmu
ngana ay manuppal ta patay.

Roma 8:6

Nu i nono mu ay egga ta nepattaggan nga gannu-gannug, ay patay i parattalan na; ngem nu yatun i nonopan nu i Espiritu, egga nikaw i inango anna imammo.

Ezekiel 18:20 I kararua nga mattagaruli ay

matay. Ari nga suffrian na ana i katagarulian na yama na; ni i yama, arian na suffrian i katagarulian na ana na. Nu matunung i tadday nga tolay ay yaya laggapa i magayaya gafu ta katunungan na. Ay i katagarulian na minattagaruli ay lastan na laggapa.

Akkagianan 11:19 inni laman i mannanayu

Sinni laman i mannanayun nga matunung ay egga sa i inango; ngem i magaleg ta marakay ay daddanan na i patay na laggapa.

INAFFU NI CRISTO I PATAY

Lucas 7:14, 15a

Minaranni si Jesus anna siniggeg na i lungun ay nagimmang nga liminakag danuri i nangakka ira. Ay kinagi ni Jesus, "Bagitolay, kagiak-ku nikaw, lukka ka." Ay limikka anna nagitubang yuri natay bi, ay namegafu nga naguvoyug.

Juan 11:43, 44

Ay turi ta nakagi na ngana yaw, ay nakkulle yaya ta masikan nga ngaral, "Lazaro, mallawak-ka taw!" Ay nallawan i natay nga agga-babbag i lima anna takki na, anna i muka na ay navungunan ta panniaw. Ay kinagi ni Jesus nira,

"Arian nu i babbag na ira anna palakaran nu."

Juan 10:17, 18

Ta kunnuri ay ayatan-na' na Yama megafu ta ipavuluk-ku tu matay nga' tapenu maginnolay nga'. Awan tu makawayya nga manga ta inango ku, nu ari iyawa ku laggapa. Egga i pakawayya nga mangiyawa anna manga uli taw nga inango ku. Yaw i inalawa ku nga dorob ta Yama'.

Pangilammuyag 1:18 Sakan i aggato-tolay. Natay nga', ay sangaw matolay nga' ta adde noka, Amen. Egga niakan i annusi na infiernu anna patay. Ari ka mamadday ta imahen,

onu anni laman nga egga i kagitta na ta langi onu ta davvunaw, onu

ta danum ta unag na davvun.

Ariam mu dayarayawan onu pas-

nu ari laman sakan.

serbian ira.

20

I MAFULU NGA DOROB NA DIOS

na Dios. Mattrabahu ka anna kuam mu ngamin i kuam mu ta

nga kunne ta nebilin na Dios. Ari ka mamapatay.

law.

Ari ka makkoko.

Ari ka malladda-laddug nga mekontra ta kaddubam.

Ariam mu kelugan i atawa na kaddubam, ni ta balay na onu i koman na, onu i dorobanna, onu i ayam na, onu anni laman nga kukua na kaddubam.

Ariam mu isipi-sipo nga awan tu kebalinan i ngagan na Yafu nga Dios mu; ta makaliwa ka nu isipi-sipo mu i ngagan na Dios tu awan tu kebalinan.

Pakasantowam mu i Aggaw na Pagibannag, nga kunne ta nebilin annam nga aggaw. Ikakuam i yama anna yenam,

Ari ka manallaw onu makidal-

i kuan na tolay, anna masingan na nu sitaw ngamin i angngayan na. Awan tu zibbo nga awayya na pattaguan na tolav ira nga magangngua ta marakay.

Id Dios av masingan na ngamin

Salmo 139:8 anna 12 Nu makangay nga'nakuan ta langi, egga ka tari. Nu magidda nga' angngarigan ta dian na natay ira, egga ka tari gapa. Ta maski i zibbo ay ari maribbo nikaw, av i gabi ay manawag nga kagitta na

aggaw. I zibbo tuange ta nawag

av mag-gitta laman nikaw.

Yaw i kagian na Dios, "Awayya kari na tolay i massussu ta sekreto ira nga lugar tape nu ariak-ku masingan yaya? Ari kari tu i langi anna davvun ay napannu niakan?" kunna Dios. Akkagianan 15:3

I mata na Dios ay egga ta nga-

min nga lugar. Masingan na i marakay tuange ta mapia. **Lucas 8:17** Ta awan tu netagu nga ari melawan, anna awan tu sekreto nga ari

kannammuan gabbalaman.

22 MAKASTIGO TU AWAN TU ADDE I AWAN TU DIOS DA

anghel na ira nga mangammung ta totolay ira nga kegafuanan na pattagaruli na ikattole ra, tuange ngamin ta minaggangngua ta marakay. Ay mesinna ira ta pammagurayan na Dios. Ay ira yaw nga totolay ay itabbo na anghel ira ta infiernu nga kagitta na zumozzozog nga afi. Tumangi-tangi anna mangngari-ngaritam noka ira ta

Mateo 13:41, 42

Doban noka na Ana na Tolav i

ziga nga attammad-da.

Mateo 18:8

Nu i liman onu i takkim i kegafuanan na pattagarulim, gappattam mu anna itabbo mu. Ta mas

mapia tu fukul onu pilay ka nga tullung ta langi anne tu dua i limam onu dua i takkim nga metabbo ta infiernu.

metabbo ta infiernu.

II Pedro 3:7

Yaw nga uvovug na Dios mismu i makkagi tu matuggi noka ta
Aggaw na Pamanunnu yaw nga
langi anna davvun, noka nu kapa-

awan tu Dios da.

Mateo 25:46

Ira yaw nga totolay ta zimigi' i umay ta akkastigowan nga ari magimmang. Ngem i matunung nga tolay ay umay ira ta katolayan nga awan tu adde na.

nunnutan ngamin nga tolay nga

I PAMANUNNU NOKA NA DIOS Pamanunnu. Ta nu kunnasi i keg-

Kikkingngua 17:31 Ta sinullo na i aggaw nga kapanunnu na mundo. Av vuri i tolav nga sinullo na nga mamanunnu ta katunungan i netabba na ta ngamin nga totolay ta yaya i pinaginnolav na.

II Pedro 2:9

Ammu na Dios nga paliaran ta tentasion i matunung ira nga tolay, ammu na gapa nga kastigouan i ari matunung ira ta adde ta Aggaw na Pamanunnu.

I Juan 4:17 I aya na Dios ay dumaka-dakal ta attolay tam, tapenu metagga tam nga arubangan i Aggaw na ga tam toye ta davvunaw av kunnatun gapa i kegga na nittam. Hebreo 9:27 Gagangay tu i tolay ay mittan

laman nga matay. Kabalin na ay duttal i kapanunnu na. II Corinto 5:10

Ta mauag tu umarubang ittam ngamin ta pamanunnu ni Cristo. tapenu alawatat-tam ngamin i balo-balo na kingngua tam nga mapia onu marakay ta katolay na baggi tam.

Roma 14:12

I kataggitadday nittam ay palappatan na noka ta Dios i meyannung ta baggi na laggapa.

I PAGALLALLO NI JESU-CRISTO

Roma 5:15

24

Ngem i regalo nga awan tu paga na av ari tu kagitta na liwa tam. Ta nu aru nga tolay i matay megafu ta liwa na tadday laman, ay mas paga tu awan tu paga na pagallallo na Dios. Ay neyawa na i kapakoma na aru nga tolay megafu kani Jesu-Cristo.

Roma 9:16 Ta kunnuri, i pagallallo na Dios av ari tu megafu ta urav na tolav. onu pazzigariga na nga mangallu sa, nu ari laggapa ta allo na Dios.

I Pedro 5:5b Tubangan na Dios i minappakatannang, ngem ikallo na i minappaka-linno.

II Corinto 8:9

Ta ammu nu mabba i aya anna inaggallallo ni Jesu-Cristo. Ta maski egga ngamin sa i ka-riku. nabbalin yaya tu mariga megafu nikamu. Tapenu ta pabbalin na tu mariga, ay sikamu i mabbalin tu riku.

II Corinto 9:15

Mabbalo-balo ta Dios megafu ta regalu na nga kuruga makapabhaw.

Kikkingngua 4:33

Gafu ta dakal nga pakapangngua na Espiritu Santo ay pinakurug na apostoles ira tu naginnolay i Yafu Jesus: megafu taw ay binendicionan na Dios ira ngamin.

Ay pinasensian na Dios i nappasa nga ari pakannammu na totolay ira; ngem sangaw ay kagian na ta ngamin nga tolay ta ngamin nga lugar tu mabbabawi ngana ira.

—Kikkingngua 17:30

Mabbabawi kamu gafu anna mangurug kamu ta Dios tapenu pakoman nakamu ta katagarulian nu ira. Ay banna-bannayan nakamu noka nu egga kamu ta arubang na Yafu. —Kikkingngua 3:19

Ta kunnuri ay kinagi ni Pedro nira, "Mabbabawi kamu ta katagarulian nu ira, anna mappabawtiso kamu megafu ta pangurug nu kani Jesu-Cristo tapenu mapakoma kamu anna alawatan nu i netabba na Dios nga Espiritu Santo."—Kikkingngua 2:38
Ari, kagiak ku nikamu! Nu ari

kamu mabbabawi ta katagarulian

nu, ay matay kamu ngamin gapa.

—Lucas 13:3

I daddam nga maggafu ta Dios ay mangiyawa ta pabbabawi nga mangituggub nittam ta kapaliag, ay ari nakuan takitan na nono tam. Ngem i daddam nga neravyunan ay manuppal ta patay.

Mabbabawi kamu anna pallikuran nu i marakay, ta aranni ngana

i pammaguray na Dios.
—Mateo 3:2

-II Corinto 7:10

Mateo 6:14

26

Ta nu pakoman nu i nakaliwa ira nikamu, ay pakoman nakamu gapa na yama nu ta langi.

Ezekiel 18:21

Ngem nu i magangngua ira ta marakay ay pabbabawyad-da ngamin i katagarulian nga kingngua ra, anna parulattad-da ngamin i bilik-ku, anna kuadda i matunung anna fustu, ay ari ira noka matay. Kakurugan-na tu matolay noka ira.

Pangilammuyag 3:20

Innan nu ta maggataddagga' nga makatottotto ta puerta. Nu egga i makaginna niakan nga maka-agal sa anna vukatan-na i puerta, tullung nga' tapenu magarubang kami nga dua ta mapia nga pavvulu-vulun.

Isaias 55:7

I marakay nga tolay ay pallikuran na nakuan i anangngua na, kunne gapa ta totolay nga ari matunung. Mattoli nakuan ta Dios tapenu ikallo anna pakoman na yaya.

Kikkingngua 5:31

Ta kunnuri, pinabbalin na Dios yaya tu Mammaguray anna Minammaliag, ay dakal i pakawayya na tapenu i totolay na Israel ay moffunan ira nga mabbabawi anna mapakoman ira ta katagaruliad-da. minagganassing ta Dios toye ta davvunaw. —Tito 2:11, 12

Baggawan nu anna pakarennuan nu sikamu. Arian nu i marakay nga pangapangngua nu iranga masingak-ku. Immangan nu i

Yaw i nangituddu nittam tu palli-

kurat-tam i ari panguru-kurug ta

Dios, tuange ta neravvunan ira

nga pagayaya. Ngem mattolay it-

tam nga mapia, matunung, anna

magangngua ta marakay.
—Isaias 1:16
Arian nu i pangaya nu ta davvunaw tuange ta gannu-gannug nga egga ta davvunaw. Ta i tolay nga egga ta davvunaw: i pakkelug nga meyannung ta pattag, i pakkaraga ta kapagustu na baggi, i kerayaw na attolay gafu ta kukua onu kekakwa, danaw nga ganna-gannug ay ari naggafu ta Dios, nu ari ay naggafu ta davvunaw.

—I Juan 2:15. 16

Yatun i ipe nu ta futu nu i gan-

na-gannug ira nga egga ta langi; ari tu i ganna-gannug ira ta davvunaw. —Colosas 3:2 Embes tu mesipo kamu ta awan tu kebalinan na nga trabahu ira nga marakay, tubangan nu lalla-

gu ira danaw. —Efeso 5:11

28 I KEYANA ULI Ezekiel 36:26 Iddat-taka ta napabagu nga Ta kur

futu anna aluvuat-taka ta napabagu nga espiritu. Ariak-ku i matagga nga futum anna iddat-taka ta minammarulo nga 100.

I Juan 2:29

Nu ammu nu tu i Dios ay matunung, mawag gafu tu ammu nu tu ngamin i magangngua ta matunung ay ana-ana na Dios.

I Pedro 1:23

Neyana kamu uli ta bagu nga attolay. Ari tu neravvunan nga nekeyana, ngem ta inango nga awan tu adde na megafu ta matolay anna mannanayun nga uvovug na Dios.

II Corinto 5:17
Ta kunnuri, nu tolay naka ni
Cristo, bagu ka ngana nga pinaratu. Awan ngana yuri dana nga katolem ta napabagu ngana i at-

I Juan 5:18 Ammu tam tu sinni laman i ana

tolem.

na Dios ay ari mattagaruli ta si Cristo nga Ana na Dios i manangngal sa, ay ari yaya masiggeg na marakay.

Juan 3:3
Simmibbag si Jesus anna kinagi na sa, "Kakurugan na kagiak ku nikaw, nu ari meyana uli i tadday nga tolay, arian na masingan i pammagurayan na Dios."

KANI CRISTO Efeso 2:1 anna 6

NATAY TA KATAGARULIAN—NAGINNOLAY

Turi ta natay kamu megafu ta katagarulian nu av sinolav kamu, . . . anna pinaginnolay ittam ngamin, anna makipagitubang ittam sa ta gloria gafu kani Jesu-Cristo.

Colosas 3:1

Nu nakipaginnolay kamu gafu kani Cristo, aleran nu i ganna-gannug ira nga nelangitan nga egga kani Jesu-Cristo nga nagitubang ta ziwanan na Dios.

I Pedro 2:24 Inattamman na baggi na mis-

mu i katagaruliat-tam turi ta nekepato na. tapenu sittam nga na-

tay ta katagarulian, ay mattolay nga menunung. Ta megafu ta bigag na ira ay pinammapia na ittam.

Danuri i tolay ira ni Cristo ay nepato da ngana ta krus i marakay ira nga pangngu-pangua na nepattaggan nga attolay da. -Galatas 5:24

Sittam nga natay ta katagarulian, ay kunnasi na pangibali-balit-tam ta kunnaw nga attolay? Ta kunnuri gafu, ay ikwenta nu i baggi nu tu natay ngana ta katagarulian nu. Ngem pinaginnolay na kamu na Dios megafu kani

Jesu-Cristo. —Roma 6:2 anna 11

30 I INANGO NGA AWAN TU ADDE NA Juan 3:14, 15 arian na masingan i inang

Ay nu kunnasi na nepangitayag ni Moises ta iraw ta kalammalammattan, ay mawag tu metayag gapa i Ana na Tolay, tapenu ngamin i mangurug sa ay ari matay, ngem matolay ta adde ta ngangangay.

Juan 17:3

Ay yaya yaw i inango nga ngangangay: i pakannammu ra nikaw nga tattadday nga Dios nga kurug, anna kani Jesu-Cristo nga zinob mu.

.. 9.96

Juan 3:36 Sinni laman i mangurug ta Ana ay egga sa i inango nga awan tu adde: ngem i ari mangurug sa ay arian na masingan i inango nga adde ta ngangangay; ngem iddaggan na ngana laman i pangastigo na Dios.

Roma 6:23
Ta i paga na katagarulian ay patay; ngem i regalu na Dios ay ina

ngo nga awan tu adde na megafu kani Jesu-Cristo.

Juan 5:24

Kakurugan na kagiak-ku nika-

Makurugan na kagiak-ku nikamu, i tolay nga magginna niakan anna mangurug ta naddob niakan ay egga ngana sa i inango nga adde ta ngangangay. Ari ngana mapanunnutan ta nappasan na ngana i zibbo na katagarulian anna egga sa ngana i inango. I PAGIDDANAMA TA KAPALIAG

I matunung nga attolay ay mavvunga ta imammo; ay i resulta na kenunung ay imammo nga maggafu ta pammakatalo ta

Isaias 32:17

Galatas 4:6

Dios adde noka.

Gafu ta ana ittam na Dios, zinob na ta futu tam i Espiritu ni Jesus nga Ana na nga makkagi, "Abba" onu "Ama" ta Dios.

Juan 14:21
Sinni laman i makannammu anna mamarulo ta dorob ku ira, ay yaya i mangaya niakan: Ay i mangaya niakan ay ayatan gapa na Yama'. Ay ayatak-ku gapa yaya

anna kemammatan na' noka.

rug ta nono tam tu sittam i ana na Dios.

I Espiritu na mismu i mamaku-

I Juan 3:18, 19

Ana ku ira, ariattam ayatan i ikattolay tam t uvovug laman ngem ayatat-tam ira ta pangapangngua anna kurug. Ta kunnaw nga pangaya ay ammu tam tu egga nittam i kurug. Ay mapa-

I Juan 4:13

bang na Dios.

Yaw i pakannammuat-tam tu egga ittam sa, anna egga yaya nittam, gafu ta neyawa na nittam i Espiritu na.

sikan i affutu-futuat-tam ta aru-

32 SI CRISTO NGA EGGA NITTAM I MANGIYAWA TA PAGAYAYA TAM Ay sangaw umay nga' ngana ni- gafu ta neyawa na i baggi na nga

Ay sangaw umay nga' ngana nikaw; ay kagiak ku yaw toye ta davvunaw tapenu maparattal nira i pagayaya ku. —Juan 17:13

Roma 14:17
Ta i kebalinan na pappatulan na
Dios ay ari tu kanan onu inuman,
ngem ya kebalinan na i kenunung,
imammo, anna pagayaya nga

maggafu ta Espiritu Santo.

Galatas 2:20

Netangepato nga' kani Cristo ta krus na, ngem matolay nga' gafu ta si Cristo i egga niakan. I inango ku sangaw nga egga niakan ay vunga na pangurug ku ta Ana na Dios nga nangaya niakan

natay gafu niakan. Isaias 2:3 Sigga pagayaya kamu noka nga

Sigga pagayaya kamu noka nga mattagag ta danum nga maggafu ta poso ira na kapaliag. Juan 15:11

Kinagi nikaw danoye nga ganna-gannug tapenu maddian nikamu i pagayaya ku, anna tapenu mafustu gapa i pagayaya nu.

Salmo 16:11
Ipasingam mu niakan i dalan nga mappange ta inango; i keggam ay pannuan na ta pagayaya; ay kapagustuak-ku ta ngangangay i panguffum mu niakan.

MAWAG I PAMARULO TA DIOS

na Yafu, nu taddakan nu i dorob na, ta kunnuri ay kastigowan nakamu nga kagitta na kingngua na ta ginafuan nu ira.

I Samuel 12:15

Nu arian nu gigginnan i ngaral

Roma 6:16

Arian nu kari ammu nga nu tumulu kamu nga kagitta na doroban na sinni laman, ay mabbalin kamu tu kurug nga doroban? Kunne na nu katagarulian nga mappange ta patay, onu ta Dios nga marresulta ta tunung?

I Dios i mangiyawa ta pagibannag nittam nga magattam ta zigariga, noka nu mappasingan si Jesus nga maggafu ta langi, nga ira nga angheles. Umafi-afi noka i dattal da nga umay manibbalo karannuri ta ari nga mangurug ta Dios, tuange turi ta ari mangalawa ta ebanghelio na Yafu tam nga Jesu-Cristo. Ari noka magimmang i kastigo da ta infiernu, anna mesina ira ta arubang na Dios tuange ta gloria anna pakapangngua na. —II Tesalonika 1:7-9

ya i kavulun na i makapangngua

Deuteronomio 11:26-28
Toye nga aggaw ay bendisionattakamu nu parulattan nu i bili-bilin na Yafu nga Dios nu. Ngem igeg takamu nu arian nu parulattan i bili-bilin na Yafu nga Dios nu.

MAWAG I PAMAKURUG KANI CRISTO

pakurugad-da tu si Jesu-Cristo i Yafu tape merayarayaw i Dios Ama. — Filipos 2:11 Ta kunnuri, sinni laman i mamakurug ta totolay tu tumuttul yaya niakan, ay kunnatun gapa i

Ngamin nakuan nga tolay ay

34

yaya niakan, ay kunnatun gapa i pangikagi ta arubang na Yama' ta langi. Ngem sinni laman i manginega ta totolay tu yaya ay tumutul niakan, kunnatun gapa i panginega sa ta arubang na Yama' ta langi.

—Mateo 10:32, 33

Mapaliag ka nu kagiam mu mismu tu si Jesu-Cristo i Yafu, anna kurugam mu ta futum tu pinaginnolay yaya na Dios. Ta makipammapia i Dios ta tolay nu mangu-

Sinni laman i mangilimag tu mangurug yaya kani Cristo nga Ana na Dios ay awan sa i Dios. Ngem sinni laman i makkagi tu mangurug yaya kani Cristo ay egga gapa i Dios sa. —I Juan 2:23

Nu sinni laman i mangipasiran niakan tuange ta uvovug ku ay inasiran gapa noka na Ana na To-

rug yaya ta futu na; anna mapa-

kaladda i kapaliag na nu kagian

na ta karuan nga tolay i meyan-

-Roma 10:9, 10

nung ta pangurug na.

Nu sinni laman i mangipasiran niakan tuange ta uvovug ku ay ipasiran gapa noka na Ana na Tolay nu umay taw nga sigga-pakawayya ta pakawayya na Yama na anna vulunan na angheles na ira.

—Lucas 9:26

SI SATANAS, I KURUGA KONTRA TAM Mateo 4:1 anna 10, 11 Efeso 6:11

Ta kabalin naw, ay neyangay na Espiritu na Dios si Jesus ta kalammalammattan tapenu tentan na Demonio yaya. . . . "Panawamma'. Satanas.'' kunni Jesus sa.

"ta netura, 'Dayarayawam-mu i Yafu nga Dios mu, anna yaya laman i passerbiam-mu, kunna. Ta kunnuri, pinanawan yaya na Demonio, av minav sa nasserbi i angeles ira.

II Tesalonika 2:9

I tolay nga minattagaruli ay egga sa i pakapangngua ni Satanas. Mangipasingan ta senial anna milagro ira nga pangilogotan na ta tolav ira.

Usam mu ngamin i neyawa na Dios nga kapaliaram mu, tapenu metaddag mu ngamin i pangilogo

ni Satanas. Kikkingngua 26:18 Ennu vukatan i mata ra tapenu pallikurad-da i zibbo anna umarubang ira ta nawag, anna panawad-da i pakapangngua ni Satanas ay manoli ira ta Dios

tapenu alawatad-da i kapakoma

na katagaruliad-da. Ay alawatadda gapa i zininagatad-da ta Dios

nga kunne ta karuan ira nga napa-

karennuan ngana ta katagaruliadda. Ira danaw i nesinna na Dios

ngana gafu ta pangurug da.

II Tesalonika 2:8 Av masingan noka vuri i kuruga Marakay. Ta noka nu manoli i

36

Yafu av daralan na ta assag na simu na, tuange ta nawag na dattal na. Santiago 4:7, 8a

Ta kunnuri, tumulu kamu ta Dios. Affutan nu i demonio av panawan nakamu. Umaranni kamu ta Dios ay umaranni vava nikamu.

Hebreo 2:14

Megafu ta sittam nga ana na tolay ay neravyunan laman ittam, kunnuri gapa tu si Jesus ay neyana gapa nga tolay tapenu, gafu ta patay na, ay awayya na nga daralan i pakapangngua na demonio. Roma 8:35 anna 37

I PANGAFFU KANI SATANAS

Sinni i makesina nittam ta aya ni Cristo? Anni pano tu zigariga. onu vuruvurung, onu kadaradarum, onu bisin, onu kawan tu sinnun, onu kapapatay? Ari, ta affutat-tam ngamin yaw megafu kani Cristo nga nangaya nittam.

I Juan 3:8

Sinni laman i mattagaruli av kukua na demonio: ta i demonio av nattagaruli adde paga ta gafu na. Ay yaw i gafuna tu minay taw i Ana na Dios tapenu daralan na ngamin i trabahu na demonio.

I PANGAYA AY YAYA I KASINNAN NA PANUTTUL 37 KANI JESUS I Juan 4:20 na anghel ira nu awan niakan i pa-

Nu kagian na tadday nga tolay tu ayatan na i Dios ngem ikalussaw na i ikattolay na, malladdaladdug yaya. Ta kunnasi na pangaya na ta Dios nga arian na masingan nu kalussaw na i ikattolay na nga aggasasinnan na?

Juan 13:35
Kannammuan na ngamin nga
totolay tu sikamu i disipulos ku
ira nu makkasi-aya-aya i kataggitadday nikamu.

I Corinto 13:1

Maski nu awayya' i maguvovug ta ngamin nga paguvovug toye ta davvunaw, tuange ta paguvovug

na anghel ira nu awan niakan i pangaya ta ikattole', meyarig nga' laman ta guni na gibbal nga awan tu vuyatan na.

Danaw i vunga na Espiritu Santo: aya ta ikattolay, pagayaya, imammo, appasensia, inaggallallo, pia ta ikattolay, ammakatalo, appakalinno, anna panangngal ta baggi. —Galatas 5:22, 23a

Ammu tam tu napaliag ittam ngana ta patay megafu ta panga-

ya tam ta wawwagi tam ta pangurug. Ta sinni laman i ari mangaya ta ikattolay na ay maddian ta patay.

—I Juan 3:14

I PAGINNOLAY NI JESU-CRISTO

Kikkingngua 10:39-41 Ay sikami i mamakurug ta ngamin nga kikkingngua na ta davvun na Judio ira tuange ta Jerusalem nga namatayad-da sa ta krus. Ngem pinaginnolay na Dios vava ta mekatallu nga aggaw, -ay nepasingan na ta manawag ta tolay ira nga dana pinili na, ari tu napakaru nga tolay i nakasingan. ngem sikami laman nga neyarabang sa nga kiminan anna mininum ta kabalin na nepagginolay na.

38

puerta ira, ngem egga si Jesus nga agga-taddag ta tangnga ra ngamin, ay kinagi na nira, "Imammo paray i egga nikamu." Av kinagi na kani Tomas, "Igawa mu i kuramem anna siggeramma'. Innam-mu i lima' ira, anna karapam-mu i biko ku. Ariam-mu ngana i paddu-dudam anna mangurug ka ngana. Ay simibbag si Tomas nga kunna sa, "Yafu' anna Dios ku!" Roma 4:25

Tomas nira. Serradu ngamin i

Juan 20:26-28

Ta kabalin na walu nga aggaw,
naddian mangana i disipulos ira
ta tadday nga balay ay egga si

Neyalawa yaya tapenu mapapatay gafu ta liwa-liwa tam, ngem naginnolay uli tapenu mapakatunung ittam ta arubang na Dios.

I PAGINNOLAY AY MAKAPABBAW NGA IDDANAMA TAM

magattam ta aru nga paniga-riga na mannakam ira na ili, na darakal na papari, tuange ta escriba ira. Mapapatay-ya noka ngem ta mekatallu aggaw ay maginnolayya," kunni Jesus. —Mateo 16:21 Juan 5:28, 29 Arian-nu pakkapalla yaw, ta duttal i aggaw nga ngamin danuri i egga ngana ta livud-da ay maginna ra i ngaral na. Ay mallalawan

ira anna ngamin danuri i nang-

ngua ta mapia ta katolay da ay

Namegafu turi nga tiempo ay

pinegafanan ni Jesus nga pinaka-

nawag ta disipulo na ira, "Mawag

tu umay nga ta Jerusalem nga

Ngem danuri i nangngua ta marakay ta katolay da ay maginnolay ira tapenu masentensian ira ta kastigo nga adde ta ngangangay.
Turi ta nabawtisowan ittam ga nabbalin nga Cristiano ay urian nu kari ammu tu nesipo ittam ta patay na? Ta kunnuri, netange-tanam sa i katagaruliat-

mattolay ta adde ta ngangangay.

tange-tanam sa i katagaruliattam. Av nu kunnasi na nepagginnolay na megafu ta pakapangngua na Yama, kunnatun nakuan i kapakabagu na attolay tam. Ay nu nakitappatay ittam sa, kunnuri gapa tu makipagginnolay ittam -Roma 6:3-5 SA.

I APPAKASANTO TA ARUBANG NA DIOS

Lucas 1:74, 75

Ta netabba na i pangiyigu na nittam ta ngamin nga mangontra nittam, tapenu ari ittam maganassing ngana nga masserbi sa, ta kunnuri, mattolay ittam ta adde noka nga marenu anna matunung ta pagimamma na.

40

II Corinto 7:1

Mammeddu ku ira, megafu ta netabba nittam danoye nga makapabbaw nga tabba, pakarennuattam i baggi anna nono tam ta ngamin nga marakay, anna fustuattam i karenu tam ta arubang na Dios ta agganassing tam sa.

Nu i tolay ay pakarennuan na i baggi na laggapa ta anni laman nga katagarulian, mabbalin yaya tu kapianan nga ramienta. Yaya sangaw i melinnay anna mekunnay ta Yafu, anna aggaparan nga me-usa ta ngamin nga mapia nga trabahu.

—II Timoteo 2:21

I Pedro 1:2

Pinili nakamu na Dios Ama tu mamarulo kani Jesu-Cristo, anna mapakasanto gafu ta Espiritu, ta napakarennuan kamu ta daga na. Mannanayun i allo anna imammo nga egga nikamu.

I Pedro 1:15

Ngem gafu ta masanto i Yafu nga magagal nikaw, mappakasanto ka gapa ta ngamin nga kuam mu anna paguvovug mu. gan tu Dalan nga Masanto; ari nga pallakaran na minalliwa, anna ari nga tallungan na tolay ira nga awan tu nono da.

Hebreo 13:12 Ta kunnuri ay nazzigariga si Jesus ta lauan na siudad, tapenu pakasantowan na i totolay ira ta daga na nga nassinang.

I Juan 1:9 Nu ikumpisal tam i katagaruliat-tam, pakoman na ittam, anna pakarennuan na ittam ta ngamin nga marakay, gafu ta napasikkal i Dios ta pagallallo anna kenunung

na.

Bawtisowat-takamu ta danum nga mangipasingan tu nabbabawi kamu. Ngem mas makapangngua i mappatali niakan, ta bawtisowan nakamu ta Espiritu Santo nga mamakarenu nikamu ta katagarulian nu anna manguli ta attolav nu. Mas makapangngua vava anne niakan, ta maski laman manammi ta sandalia na ay ari nga'

mepangngo. Efeso 1:4 Nage paga na nekaparo na mundo, ay pinili ngana na Dios ittam tu tolay na, tapenu masanto anna awan vuluvuga ta kaliwatat-tam gafu ta ava na.

I TOTOLAY IRA NGA NESPIRITUAN

Lucas 11:13

Nu sikamu nga marakay ay ammu nu nga iddan ta mapia nga gannug i ana nu, yammanno mabba ta yama nu nga egga ta langi?
Iyawa na i Espiritu Santo ta nga-

min nga makkiddaw sa.

42

Kikkingngua 1:8a Ngem sangaw nu umay nikamu i Espiritu Santo, ay alawatannu i pakapangngua nu nga mamakurug niakan.

Kikkingngua 4:31
Ay turi ta kabalid-da nga nakimallo, yuri i lugar nga nattaraddayadda ay naguyag tu masikan.
Ay ira ngamin ay napannu ta Espiritu Santo. Ay nelayyagayya

ra i Uvovug na Dios nga awan vuluvuga tu assing da.

Ezekiel 36:27
Iyaluvu' noka i Espiritu nikamu, anna ipatuttul ku nikamu i dorob ku ira, anna parulattan nu i bili-bilik-ku.

Roma 8:9

Nu egga nikamu i Espiritu na Dios, ari kamu gafu nga neravvunan, nu ari nespirituan kamu. Ay nu sinni laman i tolay nga awan sa i Espiritu ni Cristo, ay ari yaya nga tolay ni Cristo.

Kilbingngua 12.52

Kikkingngua 13:52 Ay danuri i mangurug nga tumuttul ta yafu ay napannu ta pagayaya anna ta Espiritu Santo.

I MAKAPABBAW NGA NETABBA TA CRISTIANO IRA

Salmo 34:18

I Dios ay aranni ta tolay ira nga nawawan i iddanama ra. Paliaran na danuri i maraddam i nono ra.

Isaias 66:2 Kinagi na Yafu, "Pinadday na lima ngamin i ganna-gannug anna kukua' ngamin danaw. Ngem i

tolay nga innak-ku, ay yuri i mappakalinno anna maraddam i nono na anna ikassing na i uvovug ku."

I Pedro 4:12, 13 Mammeddu ira, arian nu pakkapalla i duttal nikamu nga zigariga nga mamurba ta pangurug nu, ta gagangay laman tu mesimmu nikamu danaw. Magayaya kamu lallagu ta mesipo kamu gapa ta nepazzigariga ni Cristo. Av noka nu duttal i aggaw nga kepasingan na kekakua na, magayaya kamu gapa noka ta naperulay.

Pangilammuvag 21:4

Av funatan noka na Dios ngamin i lua ra; awan ngana noka tu patay, ni daddam onu pattangi, onu taki. Ta nappasa ngamin ngana danatun nga gannugannug.

Salmo 37:3

Mammakatalo ka ta Dios anna mangngua ka ta mapia, tapenu matolay ka ta utun na davvunnaw anna mabattug ka.

44 I NETABBA TA TOTOLAY IRA NGA MATENTASION Hebreo 2:18 ka ta afi, ari ka noka matuggi, ni

Awayya na nga uffunan i totolay ira nga matentasion gafu ta nappasan na gapa i natentasion.

Roma 16:20 Ay i Dios na imammo ay aranni nga ipebattay na nikaw si Satanas tapenu mabigaran yaya.

Salmo 34:19
Aru nga zigariga i attamman na
matunung nga tolay, ngem paliaran na Dios yaya karanaw ngamin.

Isaias 43:2
Noka nu egga i danum nga dakitam-mu ay vulunat-taka ay ari ka noka malaggabban. Nu lumakag vuluvuga malussiak-ka.

Roma 8:28

Ammu tam tu ngamin nga

mesimmu ay pammapian ngamin danuri na pinili na Dios anna mangaya sa, nu mekunnay ira ta gakkag na.

I Corinto 10:13 Awan tu tentasion nga ari gaga-

tamman.

ngay duttal ta ngamin nga tolay. Ngem napasikkal i Dios ta pagallallo na, ay arian na ipavulun tu matentasiok-ka nu ariam-mu awayya nga affutan. Uffunan naka lallagu nga mangililli ta ten-

tasion tapenu awayyam nga at-

Pangilammuyag 3:12 I tolav nga mangaffu av kuak-

ku yaya tu arigi ta templo na Dios. Av ari ngana noka mallawan, ta itura ku sa i ngagan na Dios ku, tuange ta ngagan na siu-

dad na Dios ku nga paddianan na. Yaw i siudad na bagu nga Jerusalem. Maggafu noka ta Dios ta langi anna mappagukag ta davvun. Ay itura ku noka sa i bagu nga ngagak-ku.

Pangilammuyag 3:21 I mangaffu ay pagitubangngakku noka ta biko ku ta trono', ta kunne ta nepamagitubang na Yama' niakan ta trono na gafu ta nangaffu ta'.

Pangilammuyag 3:5 I mangaffu ay massinnun noka ta furaw. Ariak-ku vurran i ngagan na ta libru na inango, ngem ilammuyag ku i ngagan na ta arubang na Yama' tuange ta angheles na ira.

I mangaffu ay zininagatan na ngamin nga gannug; ay sakan noka i Dios na anna yaya gapa i ana ku. —Pangilammuyag 21:7

I tolay nga egga talinga na ay ginnan na nakuan i kagian na Espiritu ta iglesia ira; i tolay nga mangaffu ay pavulunak-ku tu kuman noka ta vunga na kayu nga egga ta tangnga na laguerta na Dios. —Pangilammuvag 2:7

6 I KAGIAN NA DIOS NITTAM MEYANNUNG TA PAGGUNGAY NA MAGATAWA I Corinto 7:10, 11 nga matolay pagalaman i atawa Yaw i kagiak-ku ta magatawa na, ay minakkirallaw yaya. Ngem

ta panallaw.

babay i atawa na. Ay nu megungay yaya sa, ari nga makiatawa uli. Onu ari, makipammapia uli sa. Ay i lalaki gapa ay arian na nakuan igungay i atawa na.

Roma 7:2, 3

Basta matolay pagalaman i la-

ira, ngem ari tu sakan ta i Dios i

makkagi. Ari nakuan panawan na

46

nakuan igungay i atawa na.

Roma 7:2, 3

Basta matolay pagalaman i lalaki, ay segun ta dorob, negalu yaya ta atawa na. Ngem nu matay i lalaki, mapalubbangan ngana i babay ta dorob na pakitawa na.
Ta kunnuri, nu makitawa yaya uli

na, ay minakkirallaw yaya. Ngem nu natay ngana i atawa na, ay napalubbangan ngana yaya.

Mateo 5:32
Ngem kagiak-ku nikamu sangaw sinni laman i mangigungay ta atawa na nga ari gamma tu pakidalaw na babay i gafu na, yatun nga lalaki i makaliwa. Ta yaya i kega-

fuanan na pakirallaw na babay nu

maki-atawa uli. Sinni laman i

lalaki nga mangatawa ta babay

nga negungay ay makaliwa gapa

Ay nu umay nga' nga mangiparan ta paddianan nu, ay manoli nga' uli anna alawatat-takamu; tapenu nu sitaw i diak-ku, ay turi gapa i dian-nu. —Juan 14:3

Innan nu ta manoli nga' ta ma-

bi. Tammitan nu ta mapia i egga nikamu tapenu awan tu manggaru ta barungu nu.
—Pangilammuyag 3:11 Nu sinni laman i mangipasiran

Nu sinni laman i mangipasiran niakan tuange ta uvovug ku taw ira nga gaka nga minattagaruli anna awan tu angngurug na, ipasiran gapa yaya na Ana na Tolay

noka nu manoli nga sigga-paka-

wayya ta pakawayya na Yama na.

angheles. —Marcos 8:38

Ay egga noka i senial ta langi nga pakasinnan ta panoli na Ana na Tolay. Mabbinunga noka nga-

min i tolay ta davvunaw nga ma-

kasingan ta Ana na Tolay nga nattakay ta kunam ta langi, anna egga sa i dakal nga pakawayya anna kekakwa. —Mateo 24:30 Mappasensia kamu. Pasikannan nu i nono nu, ta aranni ngana

i panoli na Yafu. —Santiago 5:8

Ta lubbe noka i Ana na Tolay
nga maggafu ta langi, nga kagitta
na kalistu na kila-kila nga masingan ta langi. —Mateo 24:27

48 I MEKARUA NGA ANGAY NI CRISTO I Juan 3:2 Kikkingngua 1:11

Innan nu ta duttal nga' nga kagitta na akkoko nga arian nu matageno. Mapalag yuri i siggaparan anna arian na inarian i sinnun na. Ta marake nu uba nga lu-

kurug nga kasissinnan na.

Mammeddu ira, ana ittam nga-

na na Dios. Ariat-tam paga ammu

nu anni i mappange; ngem ammu

tam tu kagitta tam yaya noka ta

panoli na; ta masingat-tam noka i

paran anna arian na inarian i sinnun na. Ta marake nu uba nga lumakag ay masingan i kepasiranan na. —Pangilammuyag 16:15 Mawag tu magga-paran kamu gapa, ta i Ana na Tolay ay lubbe

battan.

nikamu ta oras nga arian nu ab-

-- Lucas 12:40

Ay kud-da nirā, "Lallaki nga taga-Galilea, ngatta ta agga-taddag kamu taw nga magga-tangngag ta langi? Si Jesus nga nasingan nu nga minay ta langi ay manoli noka ta kagitta na nepap-

panaw na nga nasingan nu.

Ta aranni ngana lubbe i Ana na
Tolay tuange ta angeles na ira.
Lubbe ta pakawayya na Dios
anna iyawa na i balo na kataggitadday segun ta kinikkingngua

ra. — Mateo 16:27 Ay masingad-da noka i Ana na Tolya nga nattakay ta kunam nga umay nga sigga-pakawayya anna dakal nga kekakua. —Lucas 21:27

I UVOVUG NA DIOS

Lucas 21:33

Mapawan noka i langi anna davvun: ngem i uvovug ku ira ay ari vuluvuga mappasa.

Mateo 22:29

Ngem sinabbag ni Jesus ira, "Maliwa kamu ngamin ta arian nu garay ammu i Masanto nga Tura onu i pakapangngua na Dios."

II Pedro 1:21

Ta ari tu uray na tolay i kinagi na profeta ira gari; ngem i totolay na Dios i naguvovug ta kunne ta nepanullo nira na Espiritu Santo.

II Timoteo 3:16

Ngamin i netura ta Masanto nga Libru ay naggafu ta pakauray na Dios, anna me-usa ira nga pangituddu, pangivuya, anna pamadakal nittam nga mabbalin tu matunung.

Salmo 119:11

I uvovug mu ay pinappannakku ta futu tapenu ari nga' mattagaruli nikaw.

Salmo 119:105

I uvovug mu ay kagitta na tulu nga mangituggub niakan anna manulu ta dalak-ku. Published in numerous languages by World Missionary Press, Inc., as God supplies funds in answer to prayer. For questions or more information by country, visit: www.wmp-contacts.org



World Missionary Press PO Box 120 New Paris, IN 46553-0120 USA www.wmpress.org

Read booklets online or by App www.wmp-readonline.org 220 Ibanaq HFA